



2 Mac 2017
2 March 2017
P.U. (A) 67

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH SARAAN PEGUAM CARA (PINDAAN) 2017

SOLICITORS' REMUNERATION (AMENDMENT) ORDER 2017



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PROFESION UNDANG-UNDANG 1976

PERINTAH SARAAN PEGUAM CARA (PINDAAN) 2017

PADA menjalankan kuasa yang diberikan oleh subseksyen 113(3) Akta Profesion Undang-Undang 1976 [*Akta 166*], Jawatankuasa Kos Peguam Cara membuat perintah yang berikut:

Nama

1. Perintah ini bolehlah dinamakan **Perintah Saraan Peguam Cara (Pindaan) 2017**.
2. Perintah ini mula berkuat kuasa pada 15 Mac 2017.

Pindaan perenggan 6

3. Perintah Saraan Peguam Cara 2005 [*P.U. (A) 520/2005*] yang disebut “Perintah ibu” dalam Perintah ini, dipinda dengan menggantikan perenggan 6 dengan perenggan yang berikut:

“6. Diskaun

(1) Seseorang peguam boleh memberi diskaun tidak melebihi 25% ke atas fi yang dinyatakan dalam Jadual Pertama dan Jadual Ketiga, kecuali bagi apa-apa transaksi yang tertakluk kepada Akta Pemajuan Perumahan (Kawalan dan Pelesenan) 1966 [*Akta 118*] atau apa-apa perundangan subsidiari yang dibuat di bawah Akta itu.

(2) Tiada diskaun boleh diberi ke atas fi yang dinyatakan dalam Jadual Kedua, Keempat, Kelima dan Keenam.”.

Pindaan Jadual Pertama

4. Perintah ibu dipinda dengan menggantikan Jadual Pertama dengan Jadual yang berikut:

“JADUAL PERTAMA
[Perenggan 2(a)]
Jualan dan Pindah Milik

Balasan atau Nilai yang Dihukumkan (yang mana lebih tinggi)	Skala Fi
Bagi RM500,000.00 yang pertama	1.0% (tertakluk kepada fi minimum sebanyak RM500.00)
Bagi RM500,000.00 yang berikutnya	0.8%
Bagi RM2,000,000.00 yang berikutnya	0.7%
Bagi RM2,000,000.00 yang berikutnya	0.6%
Bagi RM2,500,000.00 yang berikutnya	0.5%
Jika balasan atau nilai yang dihukumkan itu melebihi RM7,500,000.00	Boleh dirundingkan atas lebihan (tetapi tidak boleh melebihi 0.5% daripada lebihan itu)

Walau apa pun kadar di atas, dalam hal apa-apa transaksi yang tertakluk kepada Akta Pemajuan Perumahan (Kawalan dan Pelesenan) 1966 [Akta 118] atau apa-apa perundangan subsidiari yang dibuat di bawah Akta itu, saraan peguam cara yang menjalankan dan menyempurnakan transaksi itu, sama ada bertindak bagi penjual atau pembeli, adalah seperti yang berikut:

- (a) RM300.00, jika balasan ialah RM50,000.00 atau kurang;
- (b) 75% daripada skala fi berkenaan yang dinyatakan, jika balasan melebihi RM50,000.00 tetapi tidak melebihi RM250,000.00;

(c) 70% daripada skala fi berkenaan yang dinyatakan, jika balasan melebihi RM250,000.00 tetapi tidak melebihi RM500,000.00; atau

(d) 65% daripada skala fi berkenaan yang dinyatakan, jika balasan melebihi RM500,000.00.”.

Pindaan Jadual Ketiga

5. Perintah ibu dipinda dengan menggantikan Jadual Ketiga dengan Jadual yang berikut:

“JADUAL KETIGA

[Perenggan 2(c)]

Gadaian, Debentur dan Dokumen Cagaran atau Pembiayaan lain

Amaun Dicagar atau Dibiayai	Skala Fi
Bagi RM500,000.00 yang pertama	1.0% (tertakluk kepada fi minimum sebanyak RM500.00)
Bagi RM500,000.00 yang berikutnya	0.8%
Bagi RM2,000,000.00 yang berikutnya	0.7%
Bagi RM2,000,000.00 yang berikutnya	0.6%
Bagi RM2,500,000.00 yang berikutnya	0.5%
Jika amaun yang dicagar atau dibiayai itu melebihi RM7,500,000.00	Boleh dirundingkan atas lebihan (tetapi tidak boleh melebihi 0.5% daripada lebihan itu)
Bagi instrumen utama	Skala fi penuh
Bagi setiap instrumen subsidiari mengikut maksud subseksyen 4(3) Akta Setem 1949 [Akta 378]	10% (tertakluk kepada fi minimum RM300.00 dan fi maksimum RM1,200.00)